



Republika e Kosovës
Republika Kosova - Republic of Kosovo



KOMISIONI I PAVARUR PËR MEDIA
NEZAVISNA KOMISIJA ZA MEDIJE - INDEPENDENT MEDIA COMMISSION

TV Opinion
Edvard Kolnrekaj
Drejtor
Prizren

Ankesa Nr. 2011/119-KPM vs TV Opinion
Ref: 1210/902/KPM/nr

VENDIM

Lidhur me Ankesën nr. 2011/119-Komisioni i Pavarur për Media (KPM) kundër TV Opinion ("Pala Përgjegjëse")

Faktet

1. Komisioni i Pavarur për Media (KPM) më datën 30 tetor 2009, ka vendosur që subjektit transmetues TV Opinion-Palë Përgjegjëse t'i lëshoj licencën për të operuar si televizion lokal në Komunën e Prizrenit.
2. KPM me 28 gusht 2009, ka nxjerrë Rregulloren KKPM 2009/04 për Komunikimet Komerciale Audiovizuale. Kjo Rregullore ka hyrë në fuqi më 28 nëntor 2011, me qëllim që të përcaktojë parimet themelore të komunikimit komercial audiovizual, teleshoppingun dhe sponzorimet, për transmetimin e tyre në ofruesit e shërbimeve mediale, duke caktuar edhe sasinë e komunikimit komercial audiovizual të transmetuar nga televizionet dhe radiot, duke përfshirë edhe teleshoppingun
3. Po ashtu në të njëjtën kohë Pala Përgjegjëse ka nënshkruar Kushtet dhe Termet e Përgjithshme të Licencës. Më marrjen e Licencës Pala Përgjegjëse është obliguar që të respektojë të gjitha aktet nënligjore të KPM-së, përfshi edhe Rregulloren KKPM 2009/04 për Komunikimet Komerciale Audiovizuale
4. KPM ka bërë monitorimin e Pales Përgjegjëse për të vlerësuar pajtueshmërinë me Rregulloren për Komunikimet Komerciale Audiovizuale KKPM 2009/04. Me rastin e monitorimit të programit të transmetuar nga Pala Përgjegjëse prej datës 26 deri më 29 maj 2011, KPM ka gjetur se gjatë kësaj periudhe Pala Përgjegjëse është në shkelje të Rregullores KKPM 2009/04, përkatësisht nenit 15.3.
5. KPM bazuar në shkeljen e Rregullores KKPM-2009/04 nga ana e Palës Përgjegjëse me datën 16 qershor 2011, i ka dërguar Njoftim për Shkelje me të cilin nga Pala Përgjegjëse është kërkuar të veproj në pajtueshmëri me Rregulloren KKPM-2009/04, në të kundërtën KPM në bazë të Ligjit të KPM-së, do të ndërmerr masa ligjore ndaj Palës Përgjegjëse.

Rruga Gazmend Zajmi #1, Prishtina - Gazmend Zajmi Street #1, Pristina - Ulica Gazmend Zajmi #1, Priština

t. +381 (0)38 245 031 f. +381 (0)38 245 034 e. info@imc-ko.org

6. KPM edhe pas dërgimit të Njoftimit për Shkelje, serish me datën 1 dhe 2 korrik 2011, ka bërë monitorimin e Palës Përgjegjëse për të vlerësuar pajtueshmërinë me Rregulloren KKPM-2009/04. KPM ka gjetur se Pala Përgjegjëse edhe përkundër Njoftimit për Shkelje të datës 16 qershor 2011, ka vazhduar të veproj në kundërshtim me Rregulloren KKPM-2009/04, pasi që ka tejkaluar minutazhin e lejuar brenda një ore për transmetimin e komunikimeve komerciale, duke vepruar kështu në kundërshtim me nenin 15.3 të Rregullores KKPM-2009/04.
7. KPM bazuar në shkeljet e vazhdueshme të Rregullores KKPM-2009/04, nga ana e Palës Përgjegjëse me datën 7 korrik 2011, i ka dërguar Njoftimin e dytë për shkelje të nenit 12.1 të Rregullores KKPM 2009/04. KPM me anë të Njoftimit për Shkelje ka kërkuar nga Pala Përgjegjëse të veproj në pajtueshmëri të plotë me Rregulloren KKPM 2009/04 dhe të ofrojë përgjigje për shkeljet e bëra.
8. KPM edhe pas dërgimit të Njoftimit të dytë ka vazhduar me monitorimin e Palës Përgjegjëse dhe ka gjetur se edhe pas Njoftimit të dytë për shkelje Pala Përgjegjëse ka vazhduar të veproj në kundërshtim me Rregulloren KKPM-2009/04. KPM bazuar në shkeljet e vazhdueshme me datën 12 korrik 2011, i ka dërguar Palës Përgjegjëse Vërejtje me shkrim përmes së cilës palës edhe një herë iu kërkuar që të veprojë në pajtueshmëri të plotë me Rregulloren KKPM 2009/04 në të kundërtën KPM në bazë të nenit 30 të Ligjit të KPM-së, do të ndërmerren masa ligjore ndaj Palës Përgjegjëse.
9. KPM me datën 19 korrik 2011, ka pranuar një përgjigje nga ana e Palës Përgjegjëse, përmes të cilës TV Opinion pranon të ketë vepruar në kundërshtim me Rregulloren KKPM-2009/04.
10. KPM me qëllim të vlerësimit të pajtueshmërisë së Palës Përgjegjëse me Rregulloren KKPM-2009/04, serish me datën 10 shtator 2012, ka bërë monitorimin dhe ka gjetur se Pala Përgjegjëse edhe përkundër udhëzimeve dhe vërejtjeve ka vazhduar të veproj në kundërshtim me Rregulloren KKPM-2009/04.

Analiza Ligjore

11. Komisioni bazuar në faktet e lartpërmendura konkludon se Pala Përgjegjëse ka vepruar në kundërshtim me nenin 15.3 të Rregullores për Komunikimet Komerciale Audiovizuale KKPM-2009/04.

Neni 15.3 i Rregullores KKPM 2009/04 përcakton:

“Komunikimet komerciale audiovizuale në shërbyesit audiovizual komercial privat nuk duhet të kalojnë mesataren ditore prej 12 minutash në orë për çdo orë të kohës së transmetimit gjatë transmetimit ditor”.

12. Komisioni duke u bazuar në raportet e Divizionit të Monitorimit dhe Analizave të Mediave gjen se Pala Përgjegjëse ka dështuar që të marrë hapat e nevojshme për të vepruar në pajtueshmëri me nenin 15.3, pasi që ka tejkaluar minutazhin e lejuar prej 12 minutash për transmetimin e komunikimeve komerciale brenda një ore transmetim.

13. Komisioni bazuar në raportet e monitorimit gjen se Pala Përgjegjëse ka dështuar që të marrë hapa të nevojshme për tu sjellur në pajtueshmëri me nenin 15.3 të Rregullores KKPM-2009/04, duke tejkaluar minutazhin e lejuar prej 12 minutash për transmetimin e komunikimeve komerciale brenda një ore transmetim.
14. Komisioni bazuar në raportet e monitorimit ka gjetur se Pala Përgjegjëse edhe përkundër Njoftimeve për Shkelje dhe Vërejtjes ka vazhduar të veproj në kundërshtim me nenin 15.3 të Rregullores KKPM-2009/04, pasi që ka tejkaluar minutazhin e lejuar prej 12 minutash për transmetimin e komunikimeve komerciale brenda një ore transmetim.
15. Komisioni konstaton se Pala Përgjegjëse nuk ka ndërmarr asnjë veprim në drejtim të respektimit të Rregullores KKPM-2009/04, prandaj ky Komisionin si rrethana rënduese për Palën Përgjegjëse merr shkeljet e vazhdueshëm dhe pas kërkesave të KPM-së për të vepruar në pajtueshmëri me Rregulloren KKPM-2009/04
16. KPM është bazuar në Udhëzimin për Zbatimin e Sanksioneve ndaj të licencuarve i cili përveç tjerave thotë se KPM gjithmonë e ka parasysh natyrën proporcionale të sanksioneve . Sanksionet do të jenë proporcionale me natyrën dhe me seriozitetin e një shkeljeje dhe me shkallen ekonomike të te licencuarit, dhe nuk do të jenë më të rëndë se sa të nevojshme për të parandaluar shkelje tjera dhe për të inkurajuar veprime përmirësuese nga ana e të licencuarit, duke marrë parasysh të gjithë faktorët relevant lehtësues apo rendues.
17. Komisioni duke u bazuar në të gjitha faktet dhe analizat e lartpërmendura konkludon së Pala Përgjegjëse ka bërë shkelje të nenit 15.3 të Rregullores KKPM 2009/04 për Komunikimet Komerciale Audiovizuale (KKPM-2009/04)

VENDIM


18. Bazuar në të gjitha faktet dhe analizat e lartpërmendura, Komisioni gjen se Pala Përgjegjëse ka bërë shkelje të Nenit 15.3 të Rregullores KKPM 2009/04 për Komunikimet Komerciale Audiovizuale KKPM-2009/04 pasi që ka tejkaluar minutazhin e lejuar prej 12 minutash për transmetimin e komunikimeve komerciale brenda një ore transmetim..
19. Komisioni bazuar në nenin 30 pika 1 të Ligjit të KPM-së, vendos që Palës Përgjegjëse t'i shqiptohet masa sanksionuese **Vërejtje** për shkeljen e nenit 15.3 të Rregullores KKPM-2009/04.
20. Në rast se Pala Përgjegjëse edhe pas pranimit të këtij vendimi vazhdon të veproj në kund do të iniciojë procedura ligjore për ndërmarrjen e masave tjera sanksionuese ndaj Palës Përgjegjëse në pajtueshmëri me Nenin 30 të Ligjit të KPM-së.
21. Komisioni gjithashtu kërkon nga ana e Palës Përgjegjëse që në të ardhmen të përmbahet nga veprimet të cilat bien ndesh me Ligjin e KPM-së dhe aktet nënligjore të KPM-së.

E drejta për Ankesë

22. Ankesat i parashtrohen Bordit për Ankesa brenda pesëmbëdhjetë (15) ditësh nga pranimi i vendimit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42 paragrafi 2 të ligjit të KPM-së.
23. Bordi për Ankesa do t'i merr parasysh vetëm ankesat e bazuara në informacione ligjërisht relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.
24. Bordi për Ankesa mundet që pa dëgjim të hedh poshtë ankesat të cilat nuk janë të bazuara në njërin nga këto dy mundësi, apo të cilat, nën dispozitat e vendosura nga Bordi për Ankesa në pajtueshmëri me paragrafin 2. të nenit 42 të këtij ligji janë të papranueshme sepse janë të pa vlera keqdashëse apo të pabaza.

Lëshimi i Vendimit

Komisioni e lëshon këtë vendim


Shefki Ukaj

Kryetar

Komisioni i Pavarur për Media



04 tetor 2012
datë